

Kommuneqarfik Sermersooq

2021-mut missingersuutitut missingersuusionermit malittarisassat



Politikikkut suliarineqarnera:

Aningaasaqarnermut Inuussutissarsiornermullu Ataatsimiititami
ulloq 21. apriliip 2020:

Kommunalbestyrelsimi ulloq xx. aprili 2020

Imaannaangitsunik ullumikkut
aalajangiingikkutta,
kinguaavut siunissami
imaannaanginnerujussuarnik
aalajangigassaqaalissapput.

Paul Ryan

Sinniisoqarfimmi siulittaasuusimasoq, USA

Imarisai

1. Aallaqqaasiut 3
2. Tunuliaqutaq: Aningaasarsiornikkut ingerlalluarneq qaangiuppoq – siunissaq nalorninarpoq 4

1. Aallaqqaasiut

Kommunip Ingerlatsinermit Aningaasaqarnermullu Aqutsinermit Najoqqutassiaani imm. 11 naapertorlugu, Aningaasaqarnermit Inuusutissarsiornermullu Ataatsimiititaq missingersuusiornissamut maleruagassanik ukiut tamaasa, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik akuersissuteqartassaaq.

Missingersuusiornissamut maleruagassani pineqarluni missingersuusiornermi periusissap aaqqissuuneqarneranut tunngatillugu Kommunalbestyrelsip kommunimi allaffimmut inniminniinissaa.

Taamaalilluni missingersuusiornissamut maleruagassanik aalajangiinermigut kommunalbestyrelsip aalajangersartarpaa, missingersuusiornissamut aaqqissuussineq qanoq ittoq kissaatiginerlugu, politikikkut eqqartueqatigiinnissamut atortut suut toqqammavigerusunnerlugit aamma taakku politikikkut ataatsimiiffissat eqqarsaatigalugit qaqugukut tigoreerusunnerlugit.

Una takussutissiaq Kommuneqarfik Sermersuup 2021-mut missingersuusiornissamut malittarisassiainik aamma ukiunut missingersuusiornissamut imaqarpoq.

2. Tunuliaqutaq: Aningaasarsiornikkut ingerlalluarneq qaangiuppoq – siunissaq nalorninarpog

Tunuliaqutaq naatsorsuutigisatullu allanngoriartortoqarnissaa:

Kalaallit Nunaanni ukiuni arfinilinni kingullerni aningaasarsiornikkut patajaatsumik ingerlavoq. Aningaasarsiornikkut ingerlalluarneq pingaarnertut aalisarnikkut ingerlalluortoqarneranik aallaaveqarpoq, nioqputissiornikkummi avammut tunisat 95%-it missaaniittut aalisarnermeersuupput (aamma taakkunangga affaat kinguppanneerlutik). Tamanna pisortat akileraarutitigut akitsuutitigullu isertitaannik patajaatsuutitsivoq, aamma suliffissaaleqisut ikileriarput inuuniarnikkullu innuttaasunut atugarissaartitsinermik kinguneqarluni.

Kalaallit Nunaanni ingerlalluortoqaraangat aamma Kommuneqarfik Sermersuumi ingerlalluarfiusarpoq. Aamma piffissami tassani isertitatigut kommunimut annertuseriartitsivoq, tamannalu aamma innuttaasunut neqeroorutitigut amerlanerulersitsillunilu pitsaanerulersitsimmat innuttaasunut iluaqutaavoq.

Kalaallit Nunaanni aningaasarsiornikkut ingerlalluarneq maannakkumuugallartoq tamaanga killeqartoq naatsorsuutigineqassaaq. 2020-p upernarnerani Covid-19-ip atuunnerata kingunerisaanik, nunarsuatta ilarujussuani aningaasatigut sunniuteqarnerluppoq. Tamannalumi Nunatsinnut aamma sunniuteqarpoq, Naalakkersuisut – qallunaat naalakkersuisui assigalugit – annertuumik ikiorsiissutinik aallartitsippup, taamaaliornikkut aningaasakilliornerup annertusiartuinnartup sunniutipilui pakkersimaarniarlugit.

Apriliip uuma aallartinnerani Covid-19-ip Nunatsinni aningaasaqarnikkut sunniutai pillugit misissueqqissaartoqarsimanngilaq. Danmarkimut tunngatillugu Nationalbanken apriliip aallartinnerani danskit nunallu tamalaat akornanni Covid-19-ip kingunerisaanik aningaasaqarneq pillugu misissueqqissaarsimavoq, naatsorsuutigineqarsinnaavorlu aamma taanna Nunatsinnut atorneqarsinnaassasoq.

Misissueqqissaarnerup takutippaa, Danmarkimi qanorluunniit ikiorsiissutinik pilersitsisoqaraluartoq naatsorsuutigineqassamat, 2020-mi aningaasaqarneq 3-p 10%-illu akornanni annikilleriassamat. Misissueqqissaarnerup aamma takutippaa, nunat arlalissuit Danmarkimisullu pitsaatigisumik aallaavissaqanngitsut. Aningaasaqarnikkut aallaavissakinneruneq, qallikkanik pequsiorneq aamma suliffeqarfiit ikinnerulerneratigut nunanut arlalissuarnut ajornartorsiornerup aningornissaa ajornarnerulersinneqarpoq, taamaattumillu naatsorsuutigineqartariaqarluni nunani aakkunani 2020-mi aningaasaqarnerup suli annikinnerulernissaa.

Misissueqqissaarnerit eqqaaneqartut aallaavigalugit Nunatsinni aningaasarliulernissap annertusinnaanera, pingaartumik Kommuneqarfik Sermersuumut. Siullertut siunniutit tassaassallutik avammut assartuivinni takornarialerinemilu sulisut akornanni suliffissaaleqisut amerlinerat. Tamannalu aamma inuiaqatigiinni inuuniarnikkut atugarissaarnerup annikillinera, nioqputissat kiffartuussinerillu annikillineratigut aningaasat kaaviaartut annikinnerulertussaanerat tassani pissutaalluni. Tamatuma kingunerisaanik kingumut suliffissaaleqineq annertuseriassaaq inuuniarnikkullu atugarissaarneq annikilleriassalluni.

Inuuniarnikkut atugarissaarnerup annikillineratigut kommunimut ikiorneqarnissamik saaffiginnittut amerleriassapput. 2020-mi uani uppernaami aningaasartuuteqarnerulerneq malunnarsereerpoq, assersuutigalugu nakuuserfigitissimasut qitornaallu ikiorserneqarnerinut aningaasartuutitut, peqatigitilluguttaaq suliffissaaleqisut amerlinerisigut kommunip akileraarutitigut isertitakinnerulerneratigut. Tassunga ilanngullugu naatsorsuutigineqarpoq, innuttaasut kiffartuunneqarnernik atuiunnaarnerisigut atuisut akiliutaaniit isertitat ikilinissaat, suliffissaaleqisullu amerlinerisugut assersuutigalugu ulluunerani neqeroorutini soorlu paaqqinnittarfinni akiliutit appaavigineqarnissamik pisinnaatinneqalersut.

Matuma siuliini sunniutit taaneqartut pissutigalugit Kommuneqarfik Sermersuumut annertuumik sunniuteqarnerlussapput. Tassani patsisaalluni illoqarfiit pingaarnersaanni akissarsiat taamatullu isertitat ukiuni kingullerni qaffakkaluttuinnarsimasut ullumikkut kommuninut allanut sanilliullugit

qaffasingaatsiartut. Taamaammattumik pisortat suliffissaaleqisunik pilersuisussaataitaanerisa kigunerissavaa illoqarfinnut sinnerinut sanilliulluni illoqarfiit pingaarnersaanni isertitatigut annikilleriarujussuortoqarnera.

Nunatsinni ullumikkut tapiissuteqariaaseq nalimmassaariaaserlu aningaasarliornerup nalaani Sermersuumut sunniuteqarnerluppoq. Ullumikkut aaqqissugaanera imaakkami Nunatsinni kommunit akornanni nalimmassaariaaseq pingaarnerusumik illoqarfiit pingaarnersaanniit kommunit sinnerinut nalimmassaasoqartarnera. Tassunga ilanngullugu Sermersooq ataatsimoorussamut ukiumut immikkut akiliuteqartarpoq, tamannalu Naalackersuisut tungaaniik missiliuussinikkut annertussusilerneqartarpoq.

Nuna tamakkerlugu ikiorsiissutit 2020-mi upernaakkut Naalackersuisunit pilersinneqartunut tunngatillugu suli oqaatigiuminaappoq, tamanna kikkunnit aningasartalerneqassanersoq. Naalackersuisut Kommuneqarfik Sermersooq assigalugu Covid-19-ip kingunerisaanik aningaasartuutit annertuseriataartut pillugit takorluukkanik ilusiliinialeruttorput, tassungalu peqatigitillugu aalisarnikkut isumalluutitigullu akitsuutitigut isertitat annikilleriarfiusut eqqarsaatigalugit.

Taamaattumik isertitassatigut allatigut periarfissarsiorneq sipaarutissarsiorneru pisariaqarput, naatsorsuutigineqartariaqarlunilu Naalackersuisut tungaaniit tatineqarnissaq, soorlu Nunatsinni pisortat aningaasartuutissaannut tunngasunik kommuninut tunniussisoqarnissaa - imaluunniit tapiissutitigut nalimmassaanikkullu pissakinnerulersitsisoqarsinnaanera.

2020-mi upernaakkut Kommuneqarfik Sermersooq aalajangerpoq, kommunimi inuussutissarsiortunik ikorfartuiniarluni. Taamaalilluni kommunip aalajangerpaa, inuussutissarsiortut namminersortunut akiliutigineqartartut arlalissuit siumoortumik akilertalerniarlugit, tassani siunertaalluni inuiqatigiinni aningaasassaqarnerup naammanneratigut akiliisinnajunnaartoqarnissaa pinngitsoortinniarnissaa. Taamatut suliniuteqarnerup inuussutissarsiortut akornanni aningaasarliornerup pakkersimaakannerneqarneranik kinguneqarpoq, peqatigitilluguli kommunip aningaasat tigorianaaganut sunniuteqarnerluppoq, nalinginnaasumiimmi siusinnerusumullu sanilliullugu tunniunneqartartuniit katillugit marlunnik kisitsisitalinnik milionilikkuutaanik annertussusillit tunniunneqareerput.

Missingersuusiornissaq sioqqullugu ajornartorsiutaasunik eqikkaaneq:

Ataatsimut katillugu naatsorsuutigineqarpoq, Kommuneqarfik Sermersooq 2020-mi – sulilu annerusumik 2021-mi – isertitanut sanilliullugu aningaasartutitigut annertuutitigut imaannaanngitsorsiortoqarnissaa.

- Kommuneqarfik Sermersuumi 2020-mi aningaasartutini naatsorsuutigineqarluni, inuiqatigiinni saannginnerusunut suliniutini ikiorsiissutitigut arlitsigut aningaasartuuteqarnerulerit aningaasarliornermut sunniuteqataassapput.
- Isertitassanut tunngatillugu suliffissaaleqisoqarnerata annertusineratigut akileraarutitigut isertitat ikinnerulissapput, peqatigitillugulu atuisut akiliutaat ikileriassanganineqarlutik. Naatsorsuutigineqartariaqarlunilu, Naalackersuisut aamma kommuninut ataatsimoorumik tapiissutitigut aningaasartuutiminnik ikililerinissaat imaluunniit pisortat aningaasartuutaannut kommunit akileeqataatinniarsinnaavaat.
- tassunga tapiliullugu Covid-19-ip 2020-mi atuunnerani aningaasartuuteqarnerulerneq kommunip aningaasat tigorianaanaaganut nungukkaluttuinnartitsissaaq, taamaalillunilu kommune aningaasarliornissamut piartortumut sillimmartaarsinnaajunnaassalluni.

Kommuneqarfik Sermersooq taamaalilluni aningaasarliornermut sillimmartaarutissaminik aningaasaqarnikkut toqqammavigissaarsinnaajunnaarsinnaavoq.

3. Akit appasissusissaat eqqarsaatigalugit kommunip missingersuutaasa ingerlanerat

Siuliini eqqaaneqareersutut Kommuneqarfik Sermersooq ukiuni tulliuuttuni akit appasissusissaat eqqarsaatigalugit annertuumik unammilligassaqarpoq, ilaatigut isertitatigut aningaasartuutitigullu artorsarnissaq eqqarsaatigalugu.

Ukiuni kingullerni missingersuusiornerni pissutsit piviusut aallaavigalugit inissinneqartarput ilaatigut siuariartorneq aamma ineriartorneq kingunerisaanillu aningaasanik naammattunik peqarneq pineqarluni. Tamatuma kingunerisaanik missingersuutininut tunngatillugu ukiumi pineqartumi kiffartuussinermi qaffasissuseq tunngavigalugu missingersuusiortoqarluni aallartittoqarnissaa periarfissaasimavoq, tamatumalu kingorna kiffartuussinermi qaffasissuseq missingersuutininik amerliliiineq suliarineqarluni. Missingersuutininik amerliliiineq akileraarutitigut isertitanit aamma aningaasartuutit nuussinerillu assigiinngitsut aningaasartuutikillinerisigut aningaasaliiffigineqarput.

Akit appasissusissaat unamminartussannortut eqqarsaatigalugit, ukiunut siuliinut kingullernut sanilliullugu missingersuusiornernit allatut aaqqissuunneqarnissaat pisariaqarpoq. Akit appasissut kommunimit aningorneqarnissaat missingersuusiornikkut qulakkeerneqassaaq, aamma kommunimi suliasat pingaarnerpaat naammassisinnaanissaannut akissaqarnissaq qulakkeerneqassalluni.

Missingersuusiornerni immikkoortoq aallutarineqartussami aningaasatigut unamminartut tulliiini allaqqasut iluarsiivigineqassapput makku:

- Nuussatut isertitanut aamma inuiaqatigiinni ilungersunartorsiortunut suliniutinut aningaasartuuteqarnerunerit.
- Innuttaasut akiliisinnaassuseqartut ikilinerisa kingunerisaanik atuisut akilertagaat ikiliartortut
- Suliffissaaleqinerunerup kingunerisaanik akileraarutitigut isertitat ikiliartortut
- Kommunimi tamanut tapiissutit ikilineqarneri / pisortat aningaasartuutaat amerleriartut ilaat kommuninut aningaasaliiffigineqassapput
- 2020-mi Covid-19-imut aningaasartuuteqarnerunerup malitsigisaanik tigorianaannakillineq

Kommune inuiaqatigiinnik kiffartuussisooq tutsuiginartutut ingerlatiinnarniarlugu missingersuusiornikkut kommunip aningaasaqarnikkut peqqissuunissaa qulakkeerneqassaaq. Aamma naatsorsuutaanngitsumik suliasaqaleriataassagaluarpat imaluunniit maannakkut ajornartoornerup qaavatigut allanik ajornartoornermik takkuttoqassagaluarpat sillimaniarluni aningaasaqarnikkut sillimanissaq qulakkeerneqassaaq.

2021-mut missingersuutit imarisai pingaarnerit tullinnguuttumi nassuiaatigineqassaaq.

Ingerlatsinermi aningaasartuutininut missingersuutit immikkut ittut:

Kommunip ingerlatsinermit aningaasartuuteqarfiisa misissornerini paasinarsivoq missingersuutit tunngaviit marluk naapertorlugit agguataarneqarsinnaasut:

1. Aningaasartuutit suliasallu inatsisitigut pituttugaasut, taakkulu PINNGITSOORATIK suliarineqassapput.
Kiffartuussinerit tamakku nuna tamakkerlugu inatsisitigut iluarsiisaapput imaluunniit isumaqatigiissusiornikkut allatigulluunniit pituttugaapput. Matumani kiffartuussinerit kommunimit naammassisariaqakkatut isigineqarput, taakkunungalugu attuumassuteqartut aningaasartuutaasariaqartut ilaapput.
2. Aningaasartuutit suliasallu inatsisitigut pituttugaanngitsut, taakkulu PINNGITSOORNEQARSINNAAPPUT.

Kiffartuussinerit tamakku kommunimit nammineq innuttaasunut atuutsissallugit aalajangiunneqarnikuupput. Kiffartuussinerit pineqartut tassaapput unitsinneqarsinnaasut, taamaalinikkut aningaasartuutit taakkununga attuumassuteqartut sipaarutaasinnaapput.

Ad 1 – aningaasartuutit suliaasallu inatsisitigut pituttugaasut PINNGITSOORATIK naammassineqassapput. Siuliini allaqqasunut tunngatillugu 2020-mi septembarip qaammataani missingersuutit politikikkut isumaqatigiinniutigineqarnissaasa aallartinneranut kommunimi ”TAB 2021 PINNGITSOORATIK suliaasat” suliarineqassasut pilersaarutigineqassapput (teknikkimut allaffissornermut missingersuutit 2021-mut missingersuutininut tunngasunut suliaasat kommunimit PINNGITSOORANI naammassineqartussat). TAB 2021 immikkoortoq 1 siuliani allaqqasut kisiisa aallaavigissavai, tassa suliaasat inatsisitigut pituttugaasut, taamaattumillu PINNGITSOORATIK naammassisassat.

Taamaalillutik missingersuutit politikikkut isumaqatigiinniutigineqarnissaasa aallartinnerini minnerpaamik missingersuuteqarnissaq saqqummiunneqassaaq. Missingersuutit taamaallaat suliaasarfinnik PINNGITSOORANI naammassisussanik imaqartinneqassaaq, aamma kiffartuussinerit aningaasartuutissallu kommunimit pisariaqartut kisiisa.

PINNGITSOORATIK naammassisariaqakkanummi 2021-mut missingersuutini iluarsisaqassapput ilaatigut inuiaqatigiit agguataarnerisa allaatiginerat, kiffartuunneqartussat amerlassusaat aamma akissarsiat, akigitat aamma akit kiisalu 2021-mi isumaqatigiissutit allanngoriartorneri eqqarsaatigalugit. Tamakku tamarmik TAB 2021-mut ilanngunneqarsimassapput.

Ad 2 – aningaasartuutit aamma suliaasat inatsisitigut pituttugaangitsut, PINNGITSOORNEQARSINNAASUT.

Immikkoortoq 2-mi siuliani taaneqartut suliaasat inatsisitigut pituttugaangitsut taakkunungalu attuumassuteqartut aningaasartuutit immikkut missingersuusiariqassapput. Suliaasat PINNGITSOORNEQARSINNAASUT allattorsimaffiliarineqassapput (”suliaasat PINNGITSOORSINNAASAT 2021”), 2020-mut missingersuutini qaffasissuseq aallaavigalugu kommunimit suliarineqartussat. Suliaasat PINNGITSOORNEQARSINNAASUT 2020-mut missingersuutini iluarsisani annertussusaat aamma tamarmik immikkut qaffasissusaat ataasiakkarlugit allaaserineqassapput.

Allattorsimaffik "suliaasat PINNGITSOORSINNAASAT 2021" TAB 2021-p saqqummiunneqarneri ilutigalugit saqqummiunneqassapput. Politikeriit taamaalillutik 2020-mut missingersuutini kiffartuussinerit qaffasissusaannik ingerlatitseqqiinerit qanoq naleqarnerisut takusinnaassavaat.

Sanaartornermut aningaasartuutininut missingersuusiartit immikkut:

Sanaartornermut aningaasartuutit eqqarsaatigalugit ukiup siuliattulli sanaartornermut missingersuutissatut siunnersuuteqartoqassaaq, tassaniissapput sanaartornermi suliat ingerlanneqartut siusinnerusukkut aalajangiunneqartut. Sanaartornermut missingersuutit TAB 2021-mi sanaartugaq tamaat ilaaluunniit kinguartinneqarsinnaanersoq pillugu takussutissartaqassaaq, ilaatigut pilersaarutip inaarneqarsinnaanera tunngavigineqassalluni, aamma isumaqatigiissutit pituttugaasut annertussusaat.

Ingerlatsinermit isertitanut / akinut missingersuusiartit immikkut:

Kommunip ingerlatsinermit isertitaqarfiisa misissornerini paasinarsivoq missingersuutit atuisut akiliutaannik kommunip akinut allattorsimaffia naapertorlugu aaqqiissuteqartunik imaqartinneqartoq: Akinut allattorsimaffik ingerlatsinermit aningaasartuutitullu agguataarneqassaaq ilaatigut akit PINNGITSOORATIK naammassisariaqartunut kiisalu akinut PINNGITSOORNEQARSINNAASUNUT.

Akinut PINNGITSOORANI naammassisariaqartunut tunngatillugu tassani isertitat TAB 2021-mut naatsorsorlugit ilanngunneqassapput.

Akinut PINNGITSOORNEQARSINNAASUNUT tunngatillugu tassani isertitat allattorsimaffimmut ”suliaasat PINNGITSOORNEQARSINNAASUNUT 2021”-mut naatsorsorlugit ilanngunneqassapput.

Akigititaasut aallaaviatigut 2020-mut missingersuutitut sanilliullugit allanngortinneqarsimassanngillat, taamaallaat inatsisitigut allannguutit imaluunniit suliarinerini allannguutit malitsigisaannik allannguinerit eqqaassanngikkaanni.

Akileraarutinit aamma tamanut tapiissutinit isertitanut missingersuusiorneq immikkut:

Aningaasartuutit annertussusissaat kommunimit tunngavigineqarsinnaasut aalajangersarniaraanni, akileraarutinit aamma tamanut tapiissutinit isertitat allanngoriartornerisa patajaatsumik missingiunnissaat aalajangiisuusaaq.

Misilittakkat naapertorlugit taamatut missingiussineq missingersuusiortarnerit kingusissukkut suliarinerini aatsaat erseqqarinnerulersarpoq, pissutigalugu missingiussinerit Namminersorlutik Oqartussat missingersuusiortarneritut attuumassuteqarluinnaramik, aamma isumaqatigiinniarnit nalinginnaasumik kommunit aamma Naalackersuisut akornanni nuna tamakkerlugu pisarmata.

TAB 2021-p saqqummiunnissaa sioqqullugit akileraarutitut tamanullu tapiissutitut missingiutit nutaanerpaat saqqummiunneqarniassammata missingersuusiorneq siuartinneqarsinnaanersoq pillugu Kommuneqarfik Sermersuup Naalackersuisut attaveqarfigissavai.

Missingersuusiortarnerup kommunimut naatsorsuutigisamik kinguneqartussap nalorninarartoqarnera immikkut:

Allaaserineqartoq ima paasineqassaaq, suliffimmik isumannaarinissaaq eqqarsaatigalugu kommunini sulisut nalornissuteqarnissaat qularutigineqassanngilaq, aamma kommunip kiffartuussinerata annertussusissaa eqqarsaatigalugu kommunip innuttaasa akornanni nalornineq qularutigineqassanngilaq.

Tamanna ersarissarniarlugu missingersuusiornissaaq ilaatigut politikikkut eqqartuinissat aamma kommunip kiffartuussinerisa atuutsinnissaat ilaasalu atorunnaarsinnissaat pillugit piffissaqarfigilluarnissaat pilersaarutaavoq. Tamatuma saniatigut ataatsimiinnerit sulinerillu annertuut piussapput, taakkunanilu kommunip politikerii aningaasaqarnerup allanngoriartornerata missingiunnera kommunillu iliuusissatut periarfissai peqqissaarussamik ilisimatitsissutigineqartassallutik.

Aammattaaq kommunip siunissaata nalornissutigineqarnera annikinnerpaaffianiitilerneqarsinnaavoq Kommunalbestyrelsimi partiit ilaasortallu akornanni missingersuusiornissaaq pillugu ataqatigiinnikkut qanimullu oqaloqatigiinnikkut, tamatumanilu ataatsimiinnerit sulinerillu siuliini taaneqartunut tunngatillugu politikikkut periarfissaqarluarneq piffissaqarluarnerlu iluaqutigineqartutut isigineqassapput.

4. Missingersuutit pillugit malittarisassat atuuttut

Kommunip missingersuusiortarneranut maleruagassat malittarisassallu makkuninnga tunngaveqarput:

- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi kapitali 5
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq, kiisalu
- Ingerlatsinermut Aningaasaqarnermillu Aqutsinermut Najoqqutassiaq kommunimut atuuttoq

Maleruagassat aamma malittarisassat tamakku missingersuutit ilusissaat, imarisassaat tamanullu saqqummiunneqartarnerat pillugit piumasaqaatinik arlalinnik imaqarput. Piumasaqaatit pingaarnerpaat tullinnguuttuni nassuaatigineqarput:

Missingersuutit tamarmiusut ukiut sisamat inger-laneranni oqimaaqatigiissinneqassapput imaluunniit sinneqartoorfiussapput.

Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi § 2 naapertorlugu allassimavoq.

§ 2 imm. 3 naapertorlugu ingerlatsinermut aningaasartuutit katinneranni kiisalu nuussinerit annerpaamik isertitassat naatsorsuussat ukiuni 4-ni 93 procentusimappat.

Aningaasaqarnermut Inuussutissarsiornermullu Ataatsimiititaq ukiumi tulliuuttumi kommunip ukiumoortumik missingersuutaanik suliaqarnissaq pillugu Kommunalbestyrelsimut siunnersuutininik suliaqartarpoq. Siunnersuut ukiunut arlalinnut ikinnerpaamik pingasunut missingersuutissatut siunnersuutininik imaqartinneqassaaq, aamma Ukiumut missingersuutit kommunimut isertitaasunik aningaasartuutaasunillu tamanik imaqartinneqassapput, kiisalu kommunip tigorianaataasa aningaasaliissutinullu immikkoortorta qarfiisa nikinganerininik tamanik.

Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi § 20 naapertorlugu allassimavoq.

Aningaasaqarnermut Ataatsimiititap ukiumoortumik missingersuutissatut siunnersuutaa, ukiunullu arlalinnut missingersuutitigut missingiutissatut siunnersuutaa Kommunalbestyrelsimi marloriarluni oqaluuserineqassaaq, sivikinnerpaamik sapaatip-akunnerininik marlunnik akunneqartussaassallutik. Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi § 21 naapertorlugu allassimavoq.

Missingersuutini inatsimmi atuuttumi najoqqutassiissutigineqartut tamatigut malinneqassapput imarisassaatullu najoqqutassiissutigineqartunik imaqarlutik.

5. Missingersuusiormut tunngaviit atuuttut

Kommunip missingersuutini tunngavii - siuliini taaneqartut saniatigut – Ingerlatsinermit Aningaasaqarnermillu Aqutsinermit Najoqqutassiami aalajangersagaapput.

Ingerlatsinermit Aningaasaqarnermillu Aqutsinermit Najoqqutassiaq malillugu missingersuusiormi suliarinnineq suliffiup iluani missingersuusiormi malittarisassanik suliarinninnermik aallarniuteqartarpoq (allagaatit uku), Aningaasaqarnermit Inuussutissarsiormullu Ataatsimiitamilu akuersissutigineqarnissaa siunertaralugu oqaluuserisassanngortinneqassalluni.

Kommune missingersuusiormi tunngavinnik nammineq aalajangersaanissamut annertuunik periarfissaqarpoq, imaappoq; kommunip piffissap sivisuup ingerlanerani missingersuutit aquneqarneri qanoq sukumiitigissanersut nammineq aalajangersinnaallugit.

Kommunip missingersuusiortarnermut tunngavii 2021-mut missingersuutitut tunngasut ukiunullu arlalinnut missingersuutai missingersuutit pillugit malittarisassat akuerineqarneratigut makkuupput:

1. Aningaasaliissutit qaffasissusaat kontumut pilersaarut nutaami siunertanut qaffasissutsit 3-miippit pilersaarullu atuutilerpoq ulloq 01.01. 2018
Tamatamaniippit kommunip missingersuutai siunertanut 70-it missaaniittunut agguataarsimallutik, ataatsimullu allaaserinerini kommunip kiffartuussineri suliaalu ataatsimoortukkaartinneqarlutik.
2. Akissarsiaqartitsinermi immikkut pituttorsimasoqassanngilaq.
Tamatuma nassataraa suliassatut tunniunneqartut kommunimi sulisunit naammassineqarsinnaasut imaluunniit kommunip avataani sullissisunit, missingersuutitut akisussaasup naliliinera naapertorlugu iluarsiiissut suna pitsaanerpaajunersoq apequtaalluni.
3. Kommunimut akileraarutip procentissaa ukiut siuliinut assigalugu 26 %-imut inissinneqassaaq
Tamatuma nassataraa missingersuusiormerup aallartinneraniilli akileraartarnermut procentip aalajangersimasuunissaa Kommunalbestyrelse innuttaasunut neriorsuuteqarmat.
4. Ukiuni missingersuusiormifiusuni ataasiakkaani sinneqartoortit ikinnerpaamik 100 mio. koruuniussapput.
Tamatuma nassataraa ukiup missingersuusiormifiusup ingerlanerani kommune sipaarniutissanik 2020-mi COvid-19-imut atorineqarsimasunik katersisinnaasoq, taamaalilluni ilungersunarsinnaasunut suli maanna paasineqanngitsunut upalungaaqqusiorluni.
5. Ukiup missingersuusiormifiusup naanerani tigoriaannaat ikinnerpaamik ilanngaait ilanngaatigereerlugit ingerlatsinermit aamma ilanngaait ilanngaatigereerlugit sanaartornermut aningaasaliissutit ukiumut missingersuusiormifiusumut tunngasut 6 %-ii
Tamatuma nassataraa siuliani tunngavineqartutulli ukiumi missingersuusiormifiusumi isertitat aningaasartuutit amerlanerussasut, peqataanik tigoriaannaateqarnissaaq kommunip qulakkiissavaa taamaalilluni kommunip karsianiittuutit atorineqarnissaat pinngitsoortinniassalluni.
6. Sanaartornermut minnerpaamik 250 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilernerqartassapput
Tamatuma nassataraa kommunip illuutaasa aserfallatsaalinnissaasa sanaartornerisalu ingerlatiinnarneqarnissaasa aningaasassaqartinnissaat qulakkiissallugu. Siunissami taamaalilluni aserfallatsaalineqanngitsunik kinguussaasoqannginnissaaq qulakkeerniarneqassaaq, imaluunniit kommune pitsaasumik ingerlannissaanut illuuteqarlunilu suliassaqassaaq.

7. Ukiut missingersuusiorfiusut siullianni sanaartornermut missingersuutit 90 procentinnaasa akuersissutiginnissaat, ukiut missingersuusiorfiusut aappaanni 80 procentii, ukiut missingersuusiorfiusut pingajuanni 70 procentii taavalu ukiut missingersuusiorfiusut sisamaanni 60 procentii.

Tamatuma nassataraa ukiuni missingersuusiorfiusuni sanaartornermut missingersuutitigut pilersaarutitut politikikkullu suliniutinut inissaqartitsineq qulakkeerneqarluni, kiisalu sanaartornermut missingersuusiarineqartut katillugit piviusorsiuunngitsumik angivallaalinninnissaat.

6. 2021-mut missingersuusiornermut tunngasut politikikkut oqaluuserineqarnissaannut piffissaliussat

Tulliuttuni 2021-imut missingersuusiornermut tunngasut politikikkut oqaluuserineqartarnissaannut pilersaarut saqqummiunneqarpoq. Maleruagassat malittarisassallu atuuttut naapertorlugit pilersaarut aaqqissuunneqarpoq, aamma Aningaasaqarnermut Inuusutissarsiornermullu Ataatsimiititami Kommunalbestyrelsimilu ataatsimiinnertut aalajangersakkat malinneqarlutik.

Immikkoortut ataasiakkaat avataasigut immikkoortup naammassineqarnissaannut allaffeqarfimmi politikikkullu kikkut akisussaasuunersut allaqqavoq.

| Immi kkoortog | Ulloq | Najoqqutassat tunniunneqartussat/Nassuiarneqartussat | ADM | POL |
|---------------|------------------------|---|-----|---------|
| 7.1 | 2020-p aallartinnerani | Missingersuusiornerup ingerlanissaanut allaffeqarfiup pilersaarutaa | DIR | - |
| 7.2 | 21/4 | 2021-mut missingersuusiornermi malittarisassat suliarineri – missingersuusiornermi najoqqutassanik aalajangersaaneq. | DIR | AIA |
| 7.3. | 28/4 | 2021-mut missingersuusiornermut malittarisassat akuerineqarneri – missingersuusiornermi najoqqutassanik aalajangersaaneq. | DIR | KOMBEST |
| 7.4 | 31/8 + 1/9 | 2021-mut teknikkikkut allaffissornikkut missingersuutit pillugit ilisimatitsissut, aammalu missingersuusiornerup ingerlanissaa pillugu politikikkut oqaluuserinissaasa aallartinnerat | DIR | KOMBEST |
| 7.5 | 24/9 | 2021-mut missingersuutit siullermeerneqarneri - AIA | DIR | AIA |
| 7.6 | 5/10 + 06/10 | 2021-mut missingersuutit siullermeerneqarneri – KOMBEST, aammalu politikikkut missingersuusiornermut isumaqatiginninniarnert aallartinnerat | DIR | KOMBEST |
| 7.7 | 16/10 | Politikkikkut periarfissat allattorsimaffiinik nassiussinissamut piffissaliussaqaq | DIR | KOMBEST |
| 7.8 | Sapaatip akunneri | Politikkikkut missingersuusiornermut isumaqatiginninniarnert | DIR | KOMBEST |

| | | | | |
|------|------------------|---|-----|---------|
| | ni 42+43 | | | |
| 7.9. | 23/10 | Politikkikkut missingersuusiornermut isumaqatiginninniarnert pillugit inaarutaasumik ataatsimiinneq | DIR | KOMBEST |
| 7.10 | 12/11 | 2021-mut missingersuutit aappassaaneerneqarneri | DIR | AIA |
| 7.11 | 23/11 + 24/11 | 2021-mut missingersuutit aappassaaneerneqarneri akuerineqarnerilu | DIR | KOMBEST |
| 7.12 | 30/11 | 2021-mut missingersuutit tamanut saqqummiunneqarnerat | DIR | KOMBEST |

Piffissamik pilersaarummi immikkoortut ataasiakkaat immikkoortuni tulliuttuni sukumiisumik nassuiarneqarput.

7. 2021-mut missingersuusiordermut atatillugu piffissamik pilersaarummi immikkoortut ataasiakkaat sukumiisumik nassuiarneqarneri.

7.1. 2020-p aallartinnerani: Missingersuusiorderup ingerlanissaanut allaffeqarfiup pilersaarutaa

Siorna missingersuusiorderup ingerlanera pisortaqaatigiit nalilersussavaat, taannalu tunngavigalugu allaffissornikkut missingersuusiordermi sulinerup ingerlanissaa aalajangersassallugu. Sulinermut pilersaarummi missingersuusiorderup ingerlanera sukumiisumik allaaserineqassaaq, suut suliarineqassanersut, qaqugu suliarineqassanersut, taavalu kikkut suliarissaneraat. Taamaasilluni missingersuusiorderup politikikkut ingerlanneqarnerata sapinngisamik pitsaasumik ikorfartuiffiunissaa qulakkeerneqassaaq.

7.2. Ulloq 21/4 2020: Aningaasaqarnermut Inuussutissarsiornermullu Ataatsimiititap 2021-mut missingersuusiordermi malittarisassat suliarineqassapput, missingersuusiordernissamilu najoqqutassanik aalajangersaasoqarluni.

Aningaasaqarnermut Inuussutissarsiornermullu Ataatsimiititap missingersuusiordermi malittarisassat (allakkat uku) apriliip 26-ani ataatsimiinnerani suliarineqassapput. Taakkua atorlugit 2021-mut ukiunullu tulliuuttunut missingersuutissani najoqqutassat aalajangersarneqassapput.

Taamaattumik innersuussutigineqarpoq, missingersuusiorderup ingerlanissaa siornamut naleqqiullugu allangortinneqassasoq, taamaasilluni missingersuusiordermi siunnersuummi 24/9 AIA-mut saqqummiunneqartussami (TAB-2021) kommunip PINNGITSOORANI suliaasai taamaallaat imarissavai.

7.3. Ulloq 28/4 2020: Kommunalbestyrelsi 2021-mut missingersuusiordermi malittarisassat akuerissavai, missingersuusiordermilu najoqqutassat inaarutaasumik aalajangersarlugit.

Ulloq 28/4 Kommunalbestyrelsi missingersuusiordermi malittarisassat (allakkat uku) oqaluuserineqassapput akuerineqarlutillu. Taakkua atorlugit 2021-mut ukiunullu tulliuuttunut missingersuutissani najoqqutassat aalajangersarneqassapput.

Taamaattumik aalajangerneqassaaq, missingersuusiorderup ingerlanissaa siornamut naleqqiullugu allangortinneqassasoq, taamaasilluni missingersuusiordermi siunnersuummi 24/9 AIA-mut saqqummiunneqartussami (TAB-2021) kommunip PINNGITSOORANI suliaasai taamaallaat imarissallugit.

7.4. Ulloq 1/9 2020: Kommunalbestyrelse 2021-mut teknikkikkut allaffissornikkut missingersuutit pillugit aammalu missingersuusiorderup politikikkut ingerlanneqarnissaa pillugu ilisimatinneqassaaq.

2021-mut teknikkikkut allaffissornikkut missingersuutit, missingersuutillu politikikkut ingerlanneqarnissaat pillugu Kommunalbestyrelse 1/9 ilisimatinneqassaaq. Ulluni marlunni ataatsimiittoqarnissaa naatsorsuutigineqarpoq, siullermik 31/8 tullianilu 1/9, taakkunani ulloq siulleq missingersuutit pillugit imikkut sammisaqarfiussaaq, ullullu aappaani oqaluuserisassat tamanut saqqummiunneqarnikut oqaluuserineqassapput.

Ataatsimiinnermi oqaluuserineqartussat pingasuussapput:

1. Teknikkikkut allaffissornikkullu missingersuutit kommunip PINNGITSOORANI suliassaanik imallit, ima taaneqartut "TAB2021 PINNGITSOORANI-suliassat".
2. Kommunip 2020-mi suliassai allat pillugit allattorsimaffik, kommunip nangillugit suliassatut TOQQARSINNAASAI, imatut taaneqartut "2021-imi-SULIARISINNAASAT".
3. Siunertat allaaserineqarneri nutartikkat, 2020-mut sullissinissamut tunngatillugu politikikkut aalajangikkat, makku pillugit qulaani taaneqartunut naapertuussakkat:
 - a. Suliassat tamakkua PINNGITSOORATIK suliarineqassapput, taamaasillunilu TAB-2021-mut naatsorsorneqarlutik:
 - b. Suliassallu tamakkua SULIARINEQARSINNAAPPUT, taamaassappallu politikerinit pinaarnersiorlugit tulleriiaarneqassapput, 2021-mut missingersuutininut atatillugu nangittumik suliarineqassappata.

Teknikkikkut allaffissornikkut missingersuutit "TAB 2021 PINNGITSOORANI-suliassat" -ni 2021-mut ukiunullu tulliuuttunut missingersuutininut PINNGITSOORANI suliassanut siullermik naatsorsukkat takuneqarsinnaapput.

PINNGITSOORANI-suliassani isertitassat akileraarutitigut isertitassat naligiissaarinermilu utertitassat ilisimariikkat, aammalu akit atuisullu akiliutaasa missiliuusiorninerinut sanilliullugit iluarsineqareerput.

PINNGITSOORANI-suliassani aningaasartuutit, aningaasartuuteqarneruneq imaluunniit aningaasartuutikinneruneq pillugit AIA-mi kommunalbestyrelsimilu politikikkut aalajangikkanut sanilliullugit iluarsineqarput, taakkununga ilanngullugit 2020-mi TB1-ip aammalu TB2-p suliarinerinut atatillugu ilassutitut aningaasaliissutit allamullu nuussinernut tunngasut.

Sanaartugassanut tunngatillugu, taava sanaartugassanut takussutissaq, sanaartugassanut aningaasartuutit amerlassusi ukiunut pilersaarutinullu agguataarneri aamma iluarsineqassapput.

7.5. Ulloq 24/9 2020: 2021-mut missingersuutit pillugit Aningaasaqarnermut Inuussutissarsiornermullu Ataatsimiititap siullermeerinera

2021-mut missingersuutit Aningaasaqarnermut Inuussutissarsiornermullu Ataatsimiititap septembarip ulluisa 24-anni siullermissavai.

Ukiup siulii assigalugit ataatsimiititami suliarineqalerpata missingersuutininut mappe atorneqassaaq, 2021-mut missingersuutit politikikkut suliarineqarnissaannik ataatsimiititap aallartitsinissaanut paasissutissanik pisariaqartinneqartunik imalik.

1. Missingersuutininut mappe kommunip aningaasaqarnera pillugu missiliuusiukkanik kingullerpaanik imaqaassaaq, teknikkikkut allaffissornikkullu missingersuutit imarissallugit, kommunip PINNGITSOORANI suliassai, imatut taaneqartut "TAB2021 PINNGITSOORANI-suliassat".
2. Kommunip 2020-mi suliassai allat pillugit allattorsimaffik, kommunip nangillugit suliassatut TOQQARSINNAASAI, imatut taaneqartut "2021-imi-SULIARISINNAASAT".
3. Siunertat allaaserineqarneri nutartikkat, 2020-mut sullissinissamut tunngatillugu politikikkut aalajangikkat, makku pillugit qulaani taaneqartunut naapertuussakkat:
 - a. Suliassat tamakkua PINNGITSOORATIK suliarineqassapput, taamaasillunilu TAB-2021-mut naatsorsorneqarlutik:
 - b. Suliassallu tamakkua SULIARINEQARSINNAAPPUT, taamaassappallu politikerinit pinaarnersiorlugit tulleriiaarneqassapput, 2021-mut missingersuutininut atatillugu nangittumik suliarineqassappata.
4. Oqaasertat nutartikkat pigineqassapput, aammalu

5. sanaartornermut missingersuutit pingaarnersiorlugit tulleriinnilersukkat.
6. Kiisalu allaffeqarfimmiit periarfissatut allattorsimaffii ilanngunneqassapput.

Periarfissat allattorsimaffii sipaarfiusinnaasunik imaqassapput, missingersuutit iluini allamut nuussuisinnaanernik, aammalu assersuutigalugu innuttaasut nikeriarnerisa il. il. allaaserineri annertussusilersornerilu.

7.6. Ulloq 6/10 2020: 2021-mut missingersuutit pillugit kommunalbestyrelsip aappassaaneerina

Ulloq 6/10 2021-mut missingersuutissat Kommunalbestyrelsimi siullermeerneqassapput. Ulluni marlunni ataatsimiittoqarnissaa naatsorsuutigineqarpoq, 5/10 taavalu 6/10. Ulloq siulleq missingersuutit pillugit immikkut sammisaqarfiussaaq, missingersuutit sukumiisumik eqqartorneqassallutik, missingersuusiornissamullu isumaqatiginninniutissat siunnersuutigineqassapput, ullullu aappaani oqaluuserisassat tamanut saqqummiunneqarnikut oqaluuserineqassapput.

Aningaasaqarnermut Inuussutissarsiornermullu Ataatsimiititap siullermeerinerani siunnersuutigineqartut oqaluuserineranni tunngavigineqassapput.

Kommunalbestyrelsimi oqaluuserineranut atatillugu ukiut siulii assigalugit, missingersuutitut mape atorneqassaaq, 2021-mut missingersuutit politikikkut suliarineqarnissaannik Kommunalbestyrelsip aallartitsinissaanut paasissutissanik pisariaqartinneqartunik imalik.

1. Missingersuutitut mape kommunip aningaasaqarnera pillugu missiliuusiukkanik kingullerpaanik imaqassaaq, teknikikkut allaffissornikkullu missingersuutit imarissallugit, kommunip PINNGITSOORANI suliaasai, imatut taaneqartut "TAB2021 PINNGITSOORANI-suliaasat".
2. Kommunip 2020-mi suliaasai allat pillugit allattorsimaffik, kommunip nangillugit suliaasatut TOQQARSINNAASAI, imatut taaneqartut "2021-mi-SULIARISINNAASAT".
3. Siunertat allaaserineqarneri nutartikkat, 2020-mut sullissinissamut tunngatillugu politikikkut aalajangikkat, makku pillugit qulaani taaneqartunut naapertuussakkat:
 - c. Suliaasat tamakkua PINNGITSOORATIK suliarineqassapput, taamaasillunilu TAB-2021-mut naatsorsorneqarlutik:
 - d. Suliaasallu tamakkua SULIARINEQARSINNAAPPUT, taamaasappallu politikerinit pinaarnersiorlugit tulleriiaarneqassapput, 2021-mut missingersuutitut atatillugu nangittumik suliarineqassappata.
4. Oqaasertat nutartikkat pigineqassapput, aammalu
5. sanaartornermut missingersuutit pingaarnersiorlugit tulleriinnilersukkat.
6. Kiisalu allaffeqarfimmiit periarfissatut allattorsimaffii ilanngunneqassapput.

Periarfissat allattorsimaffii sipaarfiusinnaasunik imaqassapput, missingersuutit iluini allamut nuussuisinnaanernik, aammalu assersuutigalugu innuttaasut nikeriarnerisa il. il. allaaserineri annertussusilersornerilu.

7.7. Ulloq 16/10 2020: Politikikkut periarfissat allattorsimaffiunik nassiussinissamut piffissaliussaq

Sapaatit-akunnerini 42 + 43 politikikkut missingersuusiornermut isumaqatiginninniarnit ingerlanneqassapput. Sapaatit-akunnerani 42-mi ataasinngorneq 12/10-mi aallartissaaq, taavalu sapaatit-akunera 43 tallimannorneq 23/10 2020 naassalluni.

Periarfissat allattorsimaffiitut politikerineersunik nassiussinissamut piffissaliunneqarpoq tallimannorneq 16/10 2020.

Politikerit missingersuusiormik suliaqarnerinut atatillugu namminneq periarfissatut allattorsimaffinnik suliaqarnissannik periarfissinneqarput. Periarfissat allattorsimaffiini kommunip kiffartuussinissaanik allannguutissanik imaqarsinnaapput.

Periarfissat allattorsimaffii imm. 3.7-mi mappemut taaneqartumut ilanngussatut ataavartumik nassuussuunneqartassapput.

Tamatuma saniatigut politikerit siunnersuuteqarnissaminnut naammattumik piffissaqartinneqassapput, peqatigitillugulu qulakkeerneqassalluni, politikerit siunnersuutaat tamarmik naammattumik piffissaqarluni nassuunneqarnissaat, missingersuusiormi suliaqartut tamarmik politikerit siunnersuutaannik pissarsisinnaaniassammata.

Taamaattumik politikerit siunnersuutaannik tunniussinissamut sapaatit-akunnerini marluusuni sapaatip-akunneranut siullermut piffissaliunneqarpoq 16/10, ulloq taanna politikikkut missingersuusiornissamut isumaqatiginninniarnit ingerlanneqassammata.

7.8. Sapaatip akunneri 42+43 2020: Politikikkut missingersuusiormut isumaqatiginninniarnit

Sapaatit-akunnerini 42 + 43 politikikkut missingersuusiormut isumaqatiginninniarnit ingerlanneqassapput. Sapaatip-akunnerani 42-mi ataasinngorneq 12/10-mi aallartissaaq, taavalu sapaatip-akunnera 43 tallimanngorneq 23/10 2020 naassalluni.

Politikerit suliassaraat isumaqatiginninniarnissaq politikikkullu akuerineqarsinnaasumik missingersuutitut isumaqatigiissusiornissaq. Isumaqatigiissut, minnerpaamik matumani missingersuutitut malittarisassat malinneqassapput, taakkualu saniatigut aamma missingersuusiormi tunngaviit missingersuutitut malittarisassani matumani aalajangersarneqartut malinneqartariaqarlutik.

7.9. Ulloq 23/10 2020: Politikikkut missingersuusiormut isumaqatiginninniarnit pillugit inaarutaasumik ataatsimiinneq

Ulloq 23/10 ataatsimiittoqassaaq, tassanilu 2021-mut missingersuutitut isumaqatiginninniarnissap imarisassai aalajangersarneqassapput, taavalu partiit politikerillu isumaqatigiissummut isumaqattaasut akornanni missingersuutit pillugit isumaqatigiissuteqartoqassalluni.

7.10. Ulloq 12/11 2020: 2021-mut missingersuutit pillugit Aningaasaqarnermut Inuussutissarsiornermullu Ataatsimiititap aappassaaneerinera

Ulloq 12/11 2021-mut missingersuutit Aningaasaqarnermut Inuussutissarsiornermullu Ataatsimiititap aappassaaniissavai.

Missingersuutitut ilanngutissapput missingersuutitut isumaqatigiissutaasussaq, missingersuutit pillugit mape, periarfissat allattorsimaffii akuerisat, akit allattorsimaffiat aammalu 2021-mut sanaartugassanut missingersuutit, kiisalu killiffik pillugu takussutissat aammalu missingersuutitut tamakiisunut takussutissaq. Kiisalu ukiup tullianut akileraarutip procentissaa aalajangiiffineqassaaq.

7.11. Ulloq 24/11 2020: KOMMUNALBESTYRELSIMI 2021-mut missingersuutit aappassaaneerneqarnerat

Ulloq 24/11 Kommunalbestyrelsip 2021-mut missingersuutit aappassaaneerlugillu akuersissutigissavai. Ataatsimiinneq ulluni marlunni ingerlassangatinneqarpoq, siullermik ulloq 23/11 taavalu ulloq 24/11. Ulloq siulleq missingersuutit politikerinut sukumiisumik nassuiaateqarfigineqassapput, taavalu ullut aappaanni oqaluuserisassat tamanut saqqummiussat 2021-mullu missingersuutit akuersissutigineqassapput.

Oqaluuserinninnermi Aningaasaqarnermut Inuussutissarsiornermullu Ataatsimiititap aappassaaneerinninnerani siunnersuutit tunngavigineqassapput.

Missingersuutininut ilanngutissapput missingersuutininut isumaqatigiissutaasusaaq, missingersuutit pillugit mappe, periarfissat allattorsimaffii akuerisat, akit allattorsimaffiat aammalu 2021-mut sanaartugassanut missingersuutit, kiisalu killiffik pillugu takussutissat aammalu missingersuutininut tamakiisunut takussutissaq. Kiisalu ukiup tullianut akileraarutip procentissaa aalajangiiffigineqassaaq.

7.12. Ulloq 30/11 2020: 2021-mut missingersuutit tamanut saqqummiunneqarnerat

Ulloq 30/11, 2021-mut missingersuutit akuerisat tamanut saqqummiunneqassapput.